



Broj:
Maglaj,

PRIJEDLOG

Na osnovu člana 6. i 7. Zakona o ministarskim, vladinim i drugim imenovanjima Federacije Bosne i Hercegovine („Službene novine FBiH“, br. 12/03, 34/03 i 65/13), članu 33. Zakona o pravobranilaštvu („Službene novine Zeničko – dobojskog kantona“, broj: 12/13) i člana 18. Statuta Općine Maglaj – prečišćen tekst („Službene novine Općine Maglaj“, br. 8/07, 3/08 i 6/08), Općinsko vijeće Maglaj, na redovnoj sjednici, održanoj godine, donosi

ODLUKU o standardima i kriterijima za imenovanje Općinskog pravobranioca Maglaj

I – OPĆE ODREDBE

Član 1.

(Predmet regulisanja)

Ovom Odlukom utvrđuju se standardi i kriteriji za imenovanje na poziciju Općinskog pravobranioca u Općinskom pravobranilaštvu Maglaj.

II - USLOVI ZA IMENOVANJE OPĆINSKOG PRAVOBRANIOCA

Član 2.

(Opći uslovi za imenovanje)

- (1) Kandidat za imenovanje na poziciju Općinskog pravobranioca treba da ispunjava opće i posebne uslove za imenovanja koji su utvrđeni ovom Odlukom.
- (2) Opći uslovi za imenovanje na poziciju Općinskog pravobranioca su:
 - (a) da je državljanin Bosne i Hercegovine,
 - (b) da je stariji od 18 godina,
 - (c) da nije otpušten iz državne službe kao rezultat disciplinske mjere (bilo na nivou države ili entiteta), u periodu od 3 godine prije dana objavljivanja upražnjene pozicije,
 - (d) da nije pod optužnicom međunarodnog suda za ratne zločine u bivšoj Jugoslaviji (član IX.1. Ustav Bosne i Hercegovine),
 - (e) da nije na funkciji u političkoj stranci u smislu člana 5. Zakon o ministarskim, vladinim i drugim imenovanjima Federacije Bosne i Hercegovine,
 - (f) da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji BiH („Službene novine Federacije BiH“, broj: 70/08),
 - (g) da nije osuđivan za krivično djelo ili privredni prestup koji predstavlja smetnju za imenovanje na upražnjenu poziciju u roku od 5 godina od dana izdržane, izvršene, zastarjele ili oprostene kazne

- (h) da se protiv njega ne vodi krivični postupak,
- (i) da je zdravstveno sposoban za obavljanje poslova za koje se prijavljuje

Član 3.

(Posebni uslovi za imenovanje)

- (1) Posebni uslovi za imenovanje na pozicije Općinskog pravobranioaca su
 - a) VSS, VII stepen stručne spreme visokog obrazovanja, odnosno prvog (najmanje 240 ECTS bodova), drugog ili trećeg ciklusa Bolonjskog sistema studiranja pravnog smjera,
 - b) položen pravosudni ispit,
 - c) najmanje četiri godine radnog iskustva nakon položenog pravosudnog ispita na pravnim poslovima u pravobranilaštvu, pravosudnim organima i drugim državnim organima, privrednim društvima/preduzećima i drugim pravnim osobama,
 - d) sposobnost za savjesno i odgovorno obavljanje dužnosti upražnjene pozicije,
 - e) sposobnost nepristrasnog donošenja odluka,
 - f) stručno znanje iz nadležnosti općinskog pravobranilaštva,
 - g) komunikacijske i organizacijske sposobnosti,
 - h) sposobnost upravljanja finansijskim i ljudskim resursima,
 - i) rezultati ostvareni tokom poslovne karijere relevantni za obavljanje dužnosti upražnjene pozicije.
- (2) Prilikom procjene posebnih uslova, kriteriji navedeni pod tačkama od d) do i) stava (1) ovog člana izrazit će se u bodovima od 1-5.

III- POSTUPAK POPUNE POZICIJE OPĆINSKOG PRAVOBRANIOCA

Član 4.

(Raspisivanje javnog oglasa)

Odluku o raspisivanju javnog oglasa za popunu upražnjene pozicije Općinskog pravobranioaca donosi Općinski načelnik.

Član 5.

(Javni oglas)

- (1) Javni oglas za upražnjenu poziciju Općinskog pravobranioaca u Općinskom pravobranilaštvu Maglaj u skladu sa kriterijima ove Odluke objavljuje Općinski načelnik Maglaj.
- (2) Oglas iz stava 1. ovog člana objavljuje se u „Službenim novinama Federacije BiH“ i najmanje jednom dnevnom listu velikog tiraža s ciljem da bude dostupan najširoj javnosti.
- (3) Javni oglas za upražnjenu poziciju Općinskog pravobranioaca u Općinskom pravobranilaštvu Maglaj treba da sadrži:
 - a) opis upražnjene pozicije,
 - b) opće uslove koje treba da ispunjavaju kandidati,
 - c) posebne uslove koje treba da ispunjavaju kandidati,
 - d) spisak potrebne dokumentacije,
 - e) način, mjesto i rok podnošenja prijava.
- (4) Javni oglas o upražnjenoj poziciji treba biti dovoljno detaljan kako bi kandidatima dao cjelovitu informaciju o ulozi koju treba obavljati, uslovima službe i dužini trajanja imenovanja, te mogućnosti ponovnog imenovanja.

Član 6.

(Trajanje mandata i sukob interesa)

- (1) Općinski pravobranilac se imenuje na period od četiri godine.
- (2) U slučaju prestanka obavljanja dužnosti Općinskog pravobranioca prije isteka perioda imenovanja od četiri godine, novoimenovanom kandidatu na poziciji Općinskog pravobranioca mandat traje četiri godine.
- (3) Prije stupanja na dužnost Općinski pravobranilac potpisuju izjavu o nepostojanju sukoba interesa i daju svečanu zakletvu pred Općinskim vijećem Maglaj koja glasi „Zaklinjem se da ću se u vršenju službe Općinskog pravobranioca pridržavati Ustava i zakona Bosne i Hercegovine, Federacije Bosne i Hercegovine, Zeničko-dobojskog kantona, Statuta Općine Maglaj i da ću službu obavljati savjesno“.

Član 7.

(Komisija za izbor)

- (1) Za provođenje postupka imenovanja Općinskog pravobranioca imenuje se Komisija za izbor.
- (2) Komisiju za izbor imenuje Općinsko vijeće Maglaj na prijedlog Općinskog načelnika.
- (3) Komisija za izbor se sastoji od pet (5) članova, a imenuje se u skladu sa kriterijima utvrđenim članom 9. Zakona o ministarskim, vladinim i drugim imenovanjima.
- (4) Komisija za izbor u okviru svojih nadležnosti:
 - a) vrši pregled prijave kandidata,
 - b) sastavlja listu s užim izborom najboljih kandidata koji ispunjavaju kriterije za imenovanje,
 - c) provodi intervju sa svim kandidatima koji su ušli u uži izbor,
 - d) dostavlja potrebne obrasce kandidatima koji su ušli u uži izbor,
 - e) predlaže Općinskom vijeću Maglaj putem pismene preporuke rang-listu najboljih kandidata na daljnje razmatranje,
 - f) vrši i druge poslove koji proizilaze iz Zakona i ove Odluke.

Član 8.

(Imenovanje i razrješenje)

Općinskog pravobranioca imenuje i razrješava Općinsko vijeće Maglaj na prijedlog Općinskog načelnika.

IV- ZAVRŠNE ODREDBE

Član 9.

(Stupanje na snagu)

Ova Odluka stupa na snagu narednog dana od dana objave u „Službenim novinama Općine Maglaj“.

PREDSJEDAVALA

Svjetlana Zamboni

OBRAZLOŽENJE

PRAVNI OSNOV

Pravni osnov za donošenje Odluke sadržan je u:

- članu 6. i članu 7. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/03, 34/03 i 65/13) kojima je propisano da se sva imenovanja vrše u skladu sa odredbama citiranog Zakona i uz propisane i utvrđene standarde i kriterije;
- članu 33. Zakona o pravobranilaštvu („Službene novine Zeničko – dobojskog kantona“, broj: 12/13) kojima je propisano da općinskog pravobranioca i njegovog zamjenika imenuje i smjenjuje općinsko vijeće, na prijedlog općinskog načelnika u postupku utvrđenim ovim zakonom i u skladu sa posebnim propisima;
- članu 18. Statuta Općine Maglaj – prečišćen tekst („Službene novine Općine Maglaj“, br. 8/07, 3/08 i 6/08) kojim je propisano da Općinsko vijeće Maglaj u okviru svojih nadležnosti donosi odluke, rješenja, propise i opće akte.

OBRAZLOŽENJE PRAVNIH RJEŠENJA U ODLUCI

U članu 1. Prijedloga Odluke propisana je pozicija u Općinskom pravobranilaštvu Maglaj za koju se propisuju standardi i kriteriji koji se primjenjuju prilikom imenovanja na navedenu poziciju.

U članu 2. Prijedloga Odluke propisani su opći uslovi za imenovanje na poziciju Općinskog pravobranioca.

U članu 3. stav (1) Prijedloga Odluke propisani su posebni uslovi za imenovanje na poziciju Općinskog pravobranioca.

U članu 3. stav (2) Prijedloga Odluke propisani je način dodjele bodova prilikom rangiranja kandidata, tako da će se rang-lista najboljih kandidata koji mogu biti imenovani na upražnjenu poziciju utvrditi na osnovu izračuna bodova svih članova Komisije putem propisanog obrasca.

U članu 4. Prijedloga Odluke propisano je da Općinski načelnik donosi Odluku o raspisivanju Javnog oglasa za popunu upražnjene pozicije Općinskog pravobranioca.

U članu 5. Prijedloga Odluke propisan je sadržaj javnog oglasa.

U članu 6. Prijedloga Odluke propisano je trajanje mandata pravobranioca zbog primjene Zakona o pravobranilaštvu („Službene novine ZDK“, broj: 12/13).

U članu 7. Prijedloga Odluke propisan je postupak imenovanja Komisije za izbor i zadaci Komisije.

U cilju propisivanja standarda i kriterija koji će se primjenjivati za imenovanje na poziciju Općinskog pravobranioca predlaže se donošenje ove Odluke.

FINANSIJSKA SREDSTVA

Za provođenje ove Odluke osigurana su finansijska sredstva u Budžetu Općine Maglaj za 2023. godinu.

Obrađivač: Emina Hasanić



OCJENA INTERVJUA

Ime i prezime:	Radno mjesto:
Organ/Institucija:	Datum:

Napomena: Ocjenu vršiti umetanjem simbola (X) u odgovarajuću kolonu

Personalne karakteristike, iskazane sposobnosti, kompetencije	Ocjena				
	1	2	3	4	5
Sposobnost za savjesno i odgovorno obavljanje dužnosti upražnjene pozicije					
Sposobnost nepristrasnog donošenja odluka					
Stručno znanje iz nadležnosti općinskog pravobranilaštva					
Komunikacijske i organizacijske sposobnosti					
Sposobnost upravljanja finansijskim i ljudskim resursima					
Rezultati ostvareni tokom poslovne karijere relevantni za obavljanje dužnosti upražnjene pozicije					
Ukupni broj bodova					

UKUPNI BROJ BODOVA _____

Komentari:

Ključne prednosti kandidata	Primijećene slabosti

Potpis člana komisije _____

